



Møteprotokoll for Eldrerådet

Møtedato: 26.02.2018
Møtestad: Formannskapssalen
Møtetid: kl. 14.00 – kl. 16.35

Frammøtte medlemmer	Parti	Rolle
Aslaug Gjerstad		Medlem
Audun Mosevoll	KRF	Medlem
Berge Litland		Medlem
Magne Reigstad		Medlem
Åge Clausen		Utvalsleiar

Forfall meldt frå medlem	Parti	Rolle
Atle Eide		Medlem
Ove Kleiveland		Nestleiar

Følgjande frå administrasjonen møtte: Utvalssekretæren. Sektorleiar og nestleiar for sektoren helse, omsorg og sosial deltok i delar av møtet.

Sakliste

Saknr	Tittel
004/18	Godkjenning av innkalling og sakliste
005/18	Godkjenning av møtebok
007/18	Strategi og prinsipp for pleie- og omsorgstenestene i Osterøy kommune

I starten av møtet vart det gitt ei orientering om brukarmeldningar på omsorgstenestene i Osterøy kommune. Det vart lagt opp til at medlemmer av eldrerådet og Osterøy demensforening skulle dele sine erfaringar om korleis dei har opplevd å vere pårørande for demente pasientar i Osterøy kommune. Dei fortalde om si eigen rolle som pårørande og kva for hjelp dei fekk av omsorgstenesta.

Berge Litland, medlem av eldrerådet, fortalde om sine opplevingar av å vere pårørande til ein dement. I den påfølgjande diskusjonen fortalde òg andre medlem om sine erfaringar.

Leiar for Osterøy demensforening, Jartru Reigstad, og medlemmen Marit Røyseth deltok i møtet. Leiar gav ei orientering om arbeidet til organisasjonen og svara på spørsmål. Orienteringa tok blant anna for seg tilboda «aktivitetssenteret» og «Pårørandeskulen», og korleis desse vert dreve.

Medlemmen fortalde si historie om korleis ho opplevde å vere pårørande for sin ektemann i hans siste fase av livet, etter at han vart dement.

Det vart ikkje gjort vedtak i samband med orientringane.

Eit dokument om omsorgstrappa i Osterøy kommune, kalla «Vår tenestetrapp» vart delt ut i møtet.

004/18: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

26.02.2018 ELDRERÅDET

Det vart ikkje gjort merknader til innkalling og saksliste.

ELD - 004/18 VEDTAK:

Innkalling og sakliste vert godkjent.

005/18: Godkjenning av møtebok

Rådmannen sitt framlegg:

Møtebok frå 17.01.18 vert godkjend.

26.02.2018 ELDRERÅDET

Det vart ikkje gjort merknader til møteboka.

ELD - 005/18 VEDTAK:

Møtebok frå 17.01.18 vert godkjend.

007/18: Strategi og prinsipp for pleie- og omsorgstenestene i Osterøy kommune

Rådmannen sitt framlegg:

Rådmannen sitt framlegg til vedtak:

Osterøy kommune legg til grunn prinsippa, tiltaka og framdrifta slik dei er skisserte i rådmannen si saksutgreiing, sjå punkt 1 – 10 under konklusjon for sine pleie- og omsorgstenester.

14.02.2018 ARBEIDSMILJØUTVALET

Sektorleiar HOS orienterte om saka.

AMU - 008/18 VEDTAK:

AMU tek informasjonen til orientering.

26.02.2018 ELDRERÅDET

Audun Mosevoll gjekk frå møtet kl. 15.40 - fire medlemmer til stades.

Sektorleiar for helse- omsorg og sosial møtte i saka for å gi ei orientering.

Eldrerådet kom med slik tilråding til heradsstyret:

"Osterøy eldreråd har studert og drøfta konsulenten Vist sitt bidrag for den framtidige omsorgstenesta i Osterøy. Det er eit spanande og tankevekkjande bidrag, som gjev oss alle utfordringar til aktiv utvikling til omsorgstenestene i kommunen.

Eldrerådet vil gjerne delta i denne prosessen saman med aktuelle brukarar.

Eldrerådet vil særleg peike på no:

1. Hovudmålet for omsorgstenestene må vera at eldre og sjuke kjenner seg trygge på å få turvande bistand (konf. helse- og omsorgsplanen) når det trengs.
2. Legg me «omsorgstrappa» til grunn for utviklingsarbeidet vårt er det heilt turvande å fokusere på alle trinna i trappa, ikkje berre det øvste (tal sjukeheimsplassar). Det er berre ved å byggja frå fyrste trinn at ein etter kvart kan få det rasjonelle tal sjukeheimsplassar i kommunen og eit balansert tenestetilbod.
3. "Bufellesskap/ omsorgsbustad + " må utviklast ved Osterøytunet eller knytt til dette."

AVRØYSTING

Tilrådinga vart samrøystes vedteke.

ELD - 007/18 VEDTAK:

Eldrerådet si tilråding til heradsstyret:

«Osterøy eldreråd har studert og drøfta konsulenten Vist sitt bidrag for den framtidige omsorgstenesta i Osterøy. Det er eit spanande og tankevekkjande bidrag, som gjev oss alle utfordringar til aktiv utvikling til omsorgstenestene i kommunen. Eldrerådet vil gjerne delta i denne prosessen saman med aktuelle brukarar.

Eldrerådet vil særleg peike på no:

1. Hovudmålet for omsorgstenestene må vera at eldre og sjuke kjenner seg trygge på å få turvande bistand (konf. helse- og omsorgsplanen) når det trengs.

2. Legg me «omsorgstrappa» til grunn for utviklingsarbeidet vårt er det heilt turvande å fokusere på alle trinna i trappa, ikkje berre det øvste (tal sjukeheimsplassar). Det er berre ved å byggja frå fyrste trinn at ein etter kvart kan få det rasjonelle tal sjukeheimsplassar i kommunen og eit balansert tenestetilbod.

3. "Bufellesskap/ omsorgsbustad + " må utviklast ved Osterøytunet eller knytt til dette.»

Til å skrive under protokollen saman med utvalsleiar vart medlemmene Berge Litland og Aslaug Gjerstad valde.

Lonevåg, 05.03.18

Marie Koksvik Thorsen
utvalssekretær

Åge Clausen
utvalsleiar

Berge Litland

Aslaug Gjerstad